



穀梁傳

五

□ 12
2992
3



門 12
號 2992
卷 3



此於厥利而存救之，錄其本意，故
經言救，傳以次非救之意，故云
非救也。

穀梁傳卷五

僖公

名申，莊公之子，閔公之庶兄，小名畏，忌曰僖。

元年春王正月

繼弒君不言即位正也

齊師宋師曹師次于垂北救邢

救不言次言次非救也非救而曰救何也

之意也是齊侯與齊侯也何用見其是齊侯也

無師曹師者曹伯也其不言曹伯何也以其不言

齊侯不可言曹伯也其不言齊侯何也以其不足



乎揚不言齊侯也

夏六月邢遷于夷儀辟狄難也

遷者猶得其國家以往者也其地邢復見也

齊師宋師曹師城邢

是向之師也使之如改事然美齊侯之功也

秋七月戊辰夫人姜氏薨于夷

夫人薨不地地故也

齊人以歸

不言以喪歸非以喪歸也加喪焉諱以夫人歸也

齊以夫人歸而後殺之不言桓姜殺子故殺之也

其以歸薨之也

楚人伐鄭

八月公會齊侯宋公鄭伯曹伯邾人于榿宋地

九月公敗邾師于偃

不日疑戰也疑戰而曰敗勝內也

冬十月壬午公子友帥師敗莒師于麗獲莒挈

莒無大夫其曰莒挈何也以吾獲之且之也內不

言獲此其言獲何也惡公子之給給者奈何公子

友謂莒挈曰吾二人不相說士卒何罪屏左右而

相搏公子友處下左右曰孟勞孟勞者魯之寶力也公子友以殺之然則何以惡乎維也曰棄師之道也

十有二月丁巳夫人氏之喪至自齊

其不言姜以其殺二子貶之也或曰為齊桓諱殺

同姓也

二年春王正月城楚丘

楚丘者何衛邑也國而曰城此邑也其曰成河也

封衛也則其不言城衛何也衛未遷也其不言衛

之遷焉何也不與齊侯專封也其言城之者專辭

也故非天子不得專封諸侯諸侯不得專封諸侯

雖通其仁以義而不與也故曰仁不勝道

夏五月辛巳葬我小君哀姜

虞師晉師滅夏陽

非國而曰滅重夏陽也虞無師其曰師何也以其

先晉不可以不言師也其先晉何也為主乎滅夏

陽也夏陽者虞虢之塞邑也滅夏陽而虞虢舉矣

虞之為主乎滅夏陽何也晉獻公欲伐虢荀息曰

君何不以屈產之乘垂棘之璧而借道乎虞也公曰此晉國之寶也如受吾幣而不借吾道則如之何荀息曰此小國之所以事大國也彼不借吾道必不敢受吾幣如受吾幣而借吾道則是我取之中府而藏之外府取之中廐而置之外廐也公曰官之奇存焉必不使受之也荀息曰官之奇之為人也達心而懼又少長於君達心則其言略懼則不能彊諫少長於君則君輕之且夫玩好在耳目之前而患在一國之後此中知以上乃能慮之臣

註明連之六言舉細領要

料虞君中知以下也公遂借道而伐虢官之奇諫曰晉國之使者其辭卑而幣重必不使於虞虞公弗聽遂受其幣而借之道官之奇諫曰語曰唇亡則齒寒其斯之謂與罕其妻子以奔曹獻公亡虢五年而後舉虞荀息牽馬操璧而前曰璧則償是也而馬齒加長矣

秋九月齊侯宋公江人黃人盟于貫

貫之盟不期而至者江人黃人也江人黃人者遠國之辭也中國稱齊宋遠國稱江黃以為諸侯皆

來至也

冬十月不雨

不雨者勤雨也

楚人侵鄭

三年春王正月不雨

不雨者勤雨也

夏四月不雨

一時言不雨者閔雨也閔雨者有志乎民者也

徐人取舒

六月雨

雨云若喜雨也喜雨者有志乎民者也

秋齊侯宋公江人黃人會于陽穀

陽穀之會相公委端攝笏而朝諸侯諸侯皆諭乎

相公之志

冬公子季友如齊益盟

益者位也其不出前定也不言及者以國與之也

不言其人亦以國與之也

楚人伐鄭

其位而盟

夫不攻而自服者不攻之也故議之

四年春王正月公會齊侯宋公陳侯衛侯鄭伯許男

曹伯侵蔡蔡潰

潰之為言上下不相得也侵淺事也侵蔡而蔡潰

以桓公為知所侵也不土其地不分其民明正也

遂伐楚次于陘

遂繼事也次止也

夏許男新臣卒

諸侯死於國不地死於外地死於師何為不地的

桓師也

楚屈完來盟于師盟于召陵

楚無大夫其曰屈完何也以其來會桓成之為木

夫也其不言使權在屈完也則是正乎曰非正也

以其來會諸侯重之也來者何內桓師也于師前

定也于召陵得志乎桓公也得志者不得志也以

桓公得志為僮矣屈完曰大國之以兵向楚何也

桓公曰昭王南征不反菁茅之貢不至故周室不

祭屈完曰菁茅之貢不至則諾昭王南征不反我

將問諸江

齊人執陳轅濤塗

齊人者齊侯也其人之何也於是嗟然外齊侯也
不正其踰國而執也

秋及江人黃人伐陳

不言其人及之者何內師也

八月公至自伐楚

有二事偶則以後事致後事小則以先事致其以
我楚致大伐楚也

葬許穆公

冬十有二月公孫茲帥師會齊人宋人衛人鄭人許
人曹人侵陳

五年春晉侯殺其世子申生

目晉侯斥殺惡晉侯也

杞伯姬來朝其子

婦人既嫁不踰竟踰竟非正也諸侯相見曰朝伯
姬為志乎朝其子也伯姬為志乎朝其子則是杞
伯失夫之道矣諸侯相見曰朝以待人父之道待
人之子非正也故曰杞伯姬來朝其子參譏也

夏公孫茲如牟

公及齊侯宋公陳侯衛侯鄭伯許男曹伯會王世子于首戴魯地

及以會尊之也何尊焉王世子云者唯王之貳也云可以重之存焉尊之也何重焉天子世子世天下也

秋八月諸侯盟于首戴

無中事而復舉諸侯何也尊王世子而不敢與盟也尊則其不敢與盟何也盟者不相信也故謹信

也不敢以所不信而加之尊者桓諸侯也不能與天子是不臣也王世子子也塊然受諸侯之尊已而立乎其位是不子也桓不臣王世子不子則其所善焉何也是則變之正也天子微諸侯不享觀桓控大國扶小國統諸侯不能以朝天子亦不敢致天王尊王世子于首戴乃所以尊天王之命也世子含王命會齊桓亦所以尊天王之命也世子受之可乎是亦變之正也天子微諸侯不享觀世子受諸侯之尊已而天王尊矣世子受之可也

鄭伯逃歸不盟

以其去諸侯故逃之也

楚人滅弦弦于奔黃

弦國也其不日微國也

九月戊申朔日有食之

冬晉人執虞公

執不言所於地繼於晉也其曰公何也猶曰其下執之之辭也其猶下執之之辭何也晉命行于虞民矣虞號之相救非相為賜也今日亡號而明白

虞公貪璧玉之寶距絕忠諫
稱人以執同於無道於其民之例

亡虞矣

六年春王正月

夏公會齊侯宋公陳侯衛侯曹伯伐鄭圍新城

伐國不言圍邑此其言圍何也病鄭也著鄭伯之

罪也

秋楚人圍許諸侯遂救許

善救許也

冬公至自伐鄭

其不以救許致何也大伐鄭也

夫人成風也致之于太廟立之以為夫人

七年春齊人伐鄭

夏小邾子來朝

鄭殺其大夫申侯

稱國以殺大夫殺無罪也

秋七月公會齊侯宋公陳世子款鄭世子華盟于寧母

衣裳之會也

曹伯班卒

公子友如齊

冬葬曹昭公

八年春王正月公會王人齊侯宋公衛侯許男曹伯

陳世子款盟于洮

王人之先諸侯何也貴王命也朝服雖微必加於

上弁冕雖舊必加於首周室雖衰必先諸侯兵車

之會也

鄭伯乞盟

以向之逃歸乞之也乞者重辭也重是盟也乞者

處其所而請與也蓋灼之也

設保傳

卷五

十

禮有君之母，以夫人者，又庶子為後，為其母，禮也。豈妾不為夫人明。

夏狄伐晉

秋七月禘于太廟，用致夫人。

三年大祭之名用者不宜用者也。致者不宜致者也。言夫人必以其氏姓言，夫人而不以氏姓，非夫人也。立妾之辭也。非正也。夫人之我可以不夫人之乎？夫人之我可以不夫人之乎？夫人之我可以不夫人之乎？

之我可以不卒葬之乎？一則以宗廟臨之，而後既焉。一則以外之弗夫人而見正焉。

馬一則以外之弗夫人而見正焉。

冬十有二月丁未，天王崩。

九年春王三月丁丑，宋公禦說卒。

夏公會宰周公齊侯宋子衛侯鄭伯許男曹伯于葵丘。

天子之宰，通于四海。宋其稱子，何也未葬之辭也。禮極在堂上，孤無外事。今背殯而出，會以宋子為無哀矣。

秋七月乙酉，伯姬卒。

內女也。未適人，不卒。此何以卒也？許嫁笄而字之，死則以成人之喪治之。

九月戊辰，諸侯盟于葵丘。

殺保傅

卷五

十一

桓盟不日此何以日美之也為見天子之禁故備
之也葵丘之盟陳牲而不殺讀書加于牲上壹明
天子之禁曰毋雍泉毋訖羅毋易樹子毋以妾為
妻毋使婦人與國事

甲子晉侯僖諸卒

冬晉里克殺其君之子奚齊

其君之子云者國人不予也國人不子何也不正
其殺世子申生而立之也

十年春王正月公如齊

狄滅溫溫子奔衛

晉里克弑其君卓及其大夫荀息

以尊及卑也荀息閑也

夏齊侯許男伐北戎

晉殺其大夫里克

稱國以殺罪累上也里克弑二君與一大夫其以
累上之辭言之何也其殺之不以其罪也其殺之
不以其罪奈何里克所為弑者為重耳也夷吾曰
是又將殺我乎故殺之不以其罪也其為重耳弑

奈何晉獻公伐虢得麗姬獻公私之有二子長曰
 奚齊稚曰卓子麗姬欲為亂故謂君曰吾夜者夢
 夫人趨而來曰吾苦畏胡不使大夫將衛士而衛
 冢乎公曰孰可使曰臣莫尊於世子則世子可故
 君謂世子曰麗姬夢夫人趨而來曰吾苦畏女其
 將衛士而往衛冢乎世子曰敬諾築宮宮成麗姬
 又曰吾夜者夢夫人趨而來曰吾苦饑世子之宮
 已成則何為不使祠也故獻公謂世子曰其祠世
 子祠已祠致福於君君田而不在麗姬以醜為酒

藥脯以毒獻公田來麗姬曰世子已祠故致福於
 君君將食麗姬跪曰食自外來者不可不試也覆
 酒於地而地墳以脯與犬犬死麗姬下堂而啼呼
 曰天乎天乎國子之國也子何遲於為君君喟然
 歎曰吾與女未有過切是何與我之深也使人謂
 世子曰爾其圖之世子之傅里克謂世子曰入自
 明入自明則可以生不入自明則不可以生世子
 曰吾君已老矣已昏矣吾君此而入自明則麗姬
 必死麗姬死則吾君不安所以使吾君不安者吾

小白入于齊廷不許公子慶罔
 謂子無入侍例曰曰曰曰曰曰曰

不若自死吾寧自殺以安吾君以重耳為寄矣例
而○死○故○里○克○所○為○弑○者○為○重○耳○也○夷○吾○曰○是○又
將○殺○我○也○

秋七月

冬大雨雪

十有一年春晉殺其大夫丕鄭父

稱國以殺罪累上也

夏公及夫人姜氏會齊侯于陽穀

秋八月大雩

雩月正也雩得雨曰雩不得雨曰旱

冬楚人伐黃

十有二年春王正月庚午日有食之

夏楚人滅黃

貫之盟管仲曰江黃遠齊而近楚楚為利之國也

若伐而不能救則無以宗諸侯矣桓公不聽遂與

之盟管仲死楚伐江滅黃桓公不能救故君子閔

之也

秋七月

穀梁傳

卷五

十四

冬十有二月丁丑陳侯杵臼卒

十有三年春秋復衛

夏四月葬陳宣公

公會齊侯宋公陳侯衛侯鄭伯許男曹伯于鹹

兵車之會也

秋九月大雩

冬公子友如齊

十有四年春諸侯城緣陵

其日諸侯散辭也聚而曰散何也諸侯城有散辭

也桓德衰矣

夏六月季姬及繒子遇于防使繒子來朝

遇者同謀也來朝者來請也也朝不言使言使非

正也以病繒子也

秋八月辛卯沙鹿崩

林屬於山為鹿沙山名也無崩道而崩故志之也

其日重其變也

狄侵鄭

冬蔡侯盼卒

于士皆有廟天子七廟諸侯五大夫三士二故德厚者流光德薄者流卑是以貴始德之本也始封必為祖

冬宋人伐曹

楚人敗徐于婁林徐地

夷狄相敗志也

十有一月壬戌晉侯及秦伯戰于韓獲晉侯

韓之戰晉侯失民矣以其民未敗而君獲也

十有六年春王正月戊申朔隕石于宋五

劉向曰石隕物也陽教也陰而陽行將致陰結

先隕而後石何也陽而後石也宋西竟之內曰

宋後數散辭也耳治也國無德不立則五

是月六鵙退飛過宋都水鳥也高亮

是月者決不日而用也六鵙退飛過宋都先數聚

辭也且治也子曰石無知之物鵙微有知之物石

無知故日之鵙微有知之物故月之君子之於物

無所苟而已石鵙且猶盡其辭而况於人乎故五

石六鵙之辭不設則王道不亢矣民所聚曰都

三月壬申公子季友卒

石道微細望通可舉

大夫日卒正也稱公弟叔仲賢也大夫不言公子
公孫疏之也

夏四月丙申縉季姬卒

秋七月甲子公孫茲卒

大夫日卒正也

冬十有二月公會齊侯宋公陳侯衛侯鄭伯許男邢
侯曹伯于淮

兵車之會也

十有七年春齊人徐人伐英氏

夏滅項

孰滅之桓公也何以不言桓公也為賢者諱也項
國也不可滅而滅之乎桓公知項之可滅也而不
知記之不可以滅也既滅人之國矣何賢乎君子
惡惡疾其始善善樂其終桓公嘗有存亡繼絕之
功故君子為之諱也

秋夫人姜氏會齊侯于卞

九月公至自會

冬十有二月乙亥齊侯小白卒

註絕其始則得不然亦惡

此不正其日之何也其不正前見矣其不正前見何也以不正入虛國故稱嫌焉爾

十有八年春王正月宋公曹伯衛人邾人伐齊

非伐喪也

夏師救齊

善救齊也

五月戊寅宋師及齊師戰于獻齊師收績

戰不言伐客不言及言及惡宋也

狄救齊

伐喪與直故謹而月之

魯以此齊仇魯也救之非善故後傳

例伐者為客宋受伐者為主齊王也此言及齊師是連常例也故傳以為惡宋也

善救齊也

秋八月丁亥葬齊桓公

冬邢人狄人伐衛

狄其稱入何也善累而後進之伐衛所以救齊也

功近而德遠矣

十有九年春王三月宋人執滕子嬰齊

夏六月宋公曹人邾人盟于曹南縉子會盟于邾已

西邾人執縉子用之

微國之君因邾以求與之盟人因已以求與之盟

已迎而執之惡之故謹而用之也取與以慢勞各社器

以禪社也

秋宋人圍曹

衛人伐邢

冬會陳人蔡人楚人鄭人盟于齊

梁亡

自亡也治大臣背叛民為寇盜梁亡自亡也如加力役焉

謂政教之盛也

謂其長也

已矣梁亡出惡正也鄭棄其師惡其長也

二十年春新作南門

作為也有加其度也謂其長也言新有故也非作也南門者

法門也

夏部子來朝

五月乙巳酉宮災

不言閔宮而三西宮

謂之新宮則近為禰宮以謚言之則如疏之然以

是為閔宮也

鄭人入滑

傳例得而曰重不得而曰早

秋齊人狄人盟于邢

邢為主焉爾邢小其為主何也其為主乎救齊

冬楚人伐隨

隨國也

二十有一年春秋後衛

宋人齊人楚人盟于鹿丘

夏大旱

旱時正也

秋宋公楚子陳侯蔡侯鄭伯許男曹伯會于霄

公以伐宋

以重辭也

冬公伐邾

楚人使宜申來獻捷

捷軍得也其不曰宋捷何也不與楚捷於宋也

十有二月癸丑公會諸侯盟于薄

會者外為主焉爾

釋宋公

外釋不志此其志何也以公之與之盟日之也不

及梁傳

卷五

二十一



言楚不與楚專釋也

二十有二年春公伐邾取須句

夏宋公衛侯許男滕子伐鄭

秋八月丁未及邾人戰于升陘

內諱敗舉其可道者也不言其人以吾敗也不言

及之者為內諱也

冬十有一月己巳朔宋公及楚人戰于泓宋師敗績

日事遇朔曰朔春秋三十有四戰未有以尊敗乎

卑以師敗乎人者也以尊敗乎卑以師敗乎人則

驕其敵襄公以師敗乎人而不驕其敵何也責之

也泓之戰以為復雠之耻也雠之耻宋襄公有以

自取之伐齊之喪執滕子圍曹為雠之會不顧其

力之不足而致楚成王成王怒而執之故曰禮人

而不答則反其敬愛人而不親則反其仁治人而

不治則反其知過而不改又之是謂之過襄公之

謂也古者被甲嬰冑非以與國也則以征無道也

豈曰以報其耻哉宋公與楚人戰于泓水之上司

馬子反曰楚眾我少鼓險而擊之勝無幸焉襄公

日君子不推人危不攻人厄須其出既出旌亂於
上陳亂於下子反曰楚衆我少擊之勝無幸焉襄
公曰不鼓不成列須其成列而後擊之則衆敗而
身傷焉七月而死倍則攻敵則戰少則守人之所
以爲入者言也人而不能言何以爲入言之所以
爲言也信也言而不信何以爲言信之所以爲信
者道也信而不道何以爲道道之貴者時其行勢
也

二十有三年春齊侯伐宋圍閔

伐國不言圍邑此其言圍何也不正其以惡報惡
也

前六年宋伐齊之役是也今言宋侯而敘之以是故也

夏五月庚寅宋公茲父卒

茲父之不葬何也失民也其失民何也以其不教
民戰則是棄其師也爲人君而棄其師其民孰以
爲君哉

秋楚人伐陳

冬十有一月杞子卒

二十有四年春王正月

王德既闕不可復全

穀梁傳 卷五

夏狄伐鄭

秋七月

冬天王出居于鄭

天子無出出失天下也居者居其所也雖失天下

王之所居謂成王畿鄭不敢有之以為國

莫敢有也

晉侯夷吾卒

二十五年春王正月丙午衛侯燬滅邢

燬之名何也不正其伐本而滅同姓也

夏四月癸酉衛侯燬卒

宋蕩伯姬來逆婦

婦人既嫁不踰竟宋蕩伯姬來逆婦非正也其曰

婦何也緣姑言之之辭

未殺其大夫

其不稱名姓以其在祖之位尊之也

秋楚人圍陳納頓子于頓

納者內弗受也圍一事也納一事也而遂言之蓋

納頓子者陳也

蔡衛文公

穀梁傳 卷五

二十四

小國無大夫以公與會故也時有衛子則與公俱

冬十有二月癸亥公會衛子莒慶盟于洮魯地
莒無大夫其曰莒慶何也以公之會目之也

二十有六年春王正月己未公會莒子衛甯速盟于

向莒地

公不會大夫其曰甯速何也以其隨莒子可以言會也

齊人侵我西鄙公追齊師至鄆弗及

人微者也侵淺事也公之追之非正也至鄆急辭也弗及者弗與也可以及而不敢及也其後也曰

入其追也曰師以公之弗及大之也弗及內辭也

夏齊人伐我北鄙

衛人伐齊

公子遂如楚乞師

乞重辭也何重焉重人之死也非所乞也師出不必反戰不必勝故重之也

秋楚人滅夔以夔子歸

夔國也不日微國也以歸猶愈乎執也

冬楚人伐宋圍閔

伐國不言圍邑此其言圍何也以吾用其師目其事也非道用師也

公以楚師伐齊取穀

以者不以者也民者君之本也使民以其死非其正也

公至自伐齊

惡事不致此其致之何也危之也

二十有七年春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋

楚人者楚子也其曰人何也人楚子所以人諸侯也其人諸侯何也不正其信夷狄而伐中國也

十有二月甲戌公會諸侯盟于宋

二十有八年春晉侯侵曹晉侯伐衛

再稱晉侯忌也

公子買戍衛不卒戍刺之

先名後刺殺有罪也公子啓曰不卒戍者可以卒也內諱殺大夫故謂之刺也魯大夫可以卒而不卒譏在公子也刺之可也

楚人救衛

三月丙午晉侯入曹執曹伯畀宋人

人者內弗受也日入惡入者也以晉侯而反執曹

伯惡晉侯也畀與也其日入何也不以晉侯畀宋

公也

夏四月己巳晉侯齊師宋師秦師及楚人戰于城濮

楚師敗績

楚殺其大夫得臣

衛侯出奔楚

五月癸丑公會晉侯齊侯宋公蔡侯鄭伯衛子莒子

盟于踐土

諱會天王也

陳侯如會

如會外乎會也受命於會故書如會於會受命也

公朝于王所

朝不言所言所者非其所也

六月衛侯鄭自楚復歸于衛

謂是時與中國異也故歸自楚楚有奉焉爾復者復中國也歸者歸其所也

鄭之名失國也

衛元咺出奔晉

陳侯款卒

秋杞伯姬來

公子遂如齊

冬公會晉侯宋公蔡侯鄭伯陳子莒子邾子秦人于

温

使桓子在表也

謹會天王也

天王守于河陽

全天王之行也為若將守而遇諸侯之朝也為天

王諱也水北為陽山南為陽温河陽也

壬申公朝於王所

朝於廟禮也於外非禮也獨公朝與諸侯盡朝也

其日以其再致天子故謹而日之王善以內日惡

以外言曰公朝逆辭也而尊天子會于温言小諸

侯温河北地以河陽言之大天子也日繫於月月

繫於時壬申公朝于王所其不月失其所繫也以

為晉文公之行事為已慎矣

晉人執衛侯歸之于京師

此入而執其不言入何也不外王命於衛也歸之

于京師緩辭也歸在京師也

衛元咺自晉復歸于衛

自晉晉有奉焉爾復者復中國也歸者歸其所也

諸侯遂圍許

遂繼事也

黃伯襄復歸于曹

復者復中國也天子免之因與之會其日復通王

命也

遂會諸侯圍許

遂繼事也

二十有九年春介葛盧來

介國也葛盧微國之君未爵者也其日來甲也

公至自圍許

夏六月公會王人晉人宋人齊人陳人蔡人秦人

于翟泉

秋大雨雹

冬介葛盧來

三十年春王正月

夏狄侵齊

秋衛殺其大夫元咺

稱國以殺罪累上也以是為訟君也衛侯在外其以累上之辭訂之何也待其殺而後入也及公子瑕

公子瑕累也以尊及卑也

衛侯鄭歸于衛

晉人秦人圍鄭

介人侵蕭

冬天子使宰周公來聘

天子之宰通于四海

公子遂如京師遂如晉

以尊遂乎卑此言不敢叛京師也

三十有一年春取濟西田

公子遂如晉

所以和天不言即天者諱不敢行尊

海岱淮徐州徐魯地

夏四月四卜不從乃免牲猶三望

夏四月不時也四卜非禮也免牲者為之緇衣黃裳有司玄端奉送至于南郊免牲亦然乃者亡乎

人之辭也猶者所以已之辭也

言區區人諛信公不共也

秋七月

杞伯姬來求婦

婦人既嫁不踰竟杞伯姬來求婦非正也

秋圍衛

十有二月衛遷於帝丘

二十有二年春王正月

夏四月己丑鄭伯捷卒

衛人侵狄

秋衛人及狄盟

冬十有二月己卯晉侯重耳卒

三十有三年春王二月秦人入滑

滑國也

齊侯使國歸父來聘

不從者謂日不吉也不吉則不敢郊改須免牲也

夏四月辛巳晉人及姜戎敗秦師于殽

不言戰而言敗何也狄秦也其狄之何也秦越千里之險入虛國進不能守退敗其師徒亂人子女之教無男女之別秦之為狄自殺之戰始也秦伯將襲鄭百里子與蹇叔子諫曰千里而襲人未有不可亡者也秦伯曰子之冢木已拱矣何知師行百里子與蹇叔子送其子而戒之曰女死必於殽之巖陰之下我將尸女於是師行百里子與蹇叔子隨其子而哭之秦伯怒曰何為哭吾師也二子曰

非敢哭師也哭吾子也我老矣彼不死則我死矣晉人與姜戎要而擊之殺匹馬隻輪無反者晉人者晉子也其曰入何也微之也何為微之不正其釋殯而至乎戰也

癸巳葬晉文公

日葬危不得葬也

秋侵齊

公伐邾取訾婁

秋公子遂帥師伐邾

晉人敗狄于箕

冬十月公如齊十有二月公至自齊

乙巳公薨于小寢

小寢非正也

隕霜不殺草

未可殺而殺舉重也可殺而不殺舉輕也

李梅實

實之為言稱實也

晉人陳人鄭人伐許

卷五終

